

Groth, Klaus: Ik sprung noch inne Kinnerbüx (1859)

- 1 Ik sprung noch inne Kinnerbüx,
- 2 Do weer ik al en Daugenix,
- 3 Dat sän ok alle Nawers gliks:
- 4 De Jung dat ward en Sleaf.
- 5 Wat schert mi all dat Snoetersnack!
- 6 Ik sing un dreih min Dudelsack,
- 7 Belach den ganzen Rummelpack,
- 8 De mi keen Süsselnk gev!
- 9 Min Vader schick mi hen na Schol,
- 10 Ik hal mi oft en Puckel vull
- 11 Un mak den Rekter spitterndull:
- 12 Min Lex den wuss ik schlech.
- 13 Ik flök den Kram tum Döwel hin,
- 14 En Prester steek der doch nich in!
- 15 Mi stunn dat Swart inn Weg.
- 16 Min Moder leet mi'n netten Knüll
- 17 Vull Wutteln un Kantüffelpüll;
- 18 Dat weer ər letzte gude Will:
- 19 Ik schull'n Plantasche grünn'.
- 20 Harr ik man Lust hatt, Gras to mei'n,
- 21 Ann Ellbagn ran inne Schit to klei'n,
- 22 Mitn Sack umme Nack den Rogg to sei'n,
- 23 So kunn ik Goldkorns finn'.
- 24 Kantüffeln weern der as min Hot,
- 25 Un Wutteln as min Been so grot,
- 26 Un Dreck to klei'n in Æwerflot –
- 27 Dat weer di en Vergnögn!
- 28 Min Ol sin Söen de weer ni dumm:
- 29 Vunt Arbeidn ward man stif un krumm;
- 30 Ik sett den Knüll in Sülwer um

- 31 Un tēhr vun min Vermögn.
- 32 Juchheisa! in en Reiterbüx!
33 Bequaste Stēweln blank in Wichs!
34 Klar is de Kees, de Junker fix!
35 So gung ik denn to Mark.
36 Klei du in Dreck bet æwern Kopp!
37 Din Fru sett di en Spint derop,
38 Un hett se di de Jack utkloppt,
39 So humpel du to Kark!
- 40 Min Geld is all, min Knüll vertēhrt,
41 De Junker is keen DreeInk weerth,
42 Min Knēp heff ik vun buten lehrt:
43 Wat schert mi all dat Rummelpack!
44 Ik heff min heel Musik um Nack,
45 Ik sing min Leed un mak min Snack
46 Un dreih min Orgel rum.

(Textopus: Ik sprung noch inne Kinnerbüx. Abgerufen am 23.01.2026 von <https://www.textopus.de/poems/56543>)